

Сарпинск районд государствд буудä өглгън бärгдджәнä

Района эдл-ахусин икнъкнъ намрар тärсн буудән культуран хурагъад, дуусад, хаврар тärсн тäräгъән хаддж йовна.

Ильичин нергä колхозин комплексн хойрдгч бригадт зургъан комбайн кöдлджәнä. Ур Чертковин тракторн бригадин комбайнермүд кöдлмшин 10 хонгин эргцд 1300 гектар тärä хадад, буудäгъинь цокчкв. Комбайнер ур Алексей Титов арвн хонгин эргцд 269 гектар тärä хурав. Энүнä дару, кöдлмшин нääмн хонгин дунд 240 гектар тärä хаддж хурасн ур Василий Таев йовна.

Болв, государствд буудä өглгън дегд хашнъгар йовдж йовна. Ильичин нергä колхоз ут-турштан 570 центнер буудä станцур йовулв. „Путь к коммунизму“ гидг колхоз болхла, государствд зуг 300 центнер буудä орулдж өгв.

Района колхозмудин болн совхозмудин токмудар дала äдл цевр буудä кевтнä. Автомашид эс кърчäх учрар зöбгдх зöвтä буудä зöбгдлго бääгъад бääнä. Болв, зärm колхозин гардачнр бийсдән бääх эв-аргъиг сäänär олздж йовхш. Нам зärmнъ, машин угад

да алгъчкад, государствд буудä ягъдж зöбхин тускар санджах бääдл уга.

Улгүрнъ, июлин 11-д хур орсн учрар комбайнс кöдлсн уга. Ильичин нергä колхозин ахлач, сул цаг олзлад эн öдр 5-машин буудä станцур йовулв, эднä хävргъднъ бääдг „Путь к коммунизму“ гидг колхозд болхла, хур орнас кöлтä комбайнс чигн, автомашид чигн хара зөгсцхав. Эн колхозин ахлач ур Соловьев, ток деерән 9.100 центнер цевр буудätä бääгъä бääдж, хара зөгсджах автомашид олзлсн уга.

Государствд буудä өглгън „Гигант“ гидг колхозд бас хашнъгар йовдж йовна. Колхозд 9 минъгъ гар центнер буудä белн бääнä, государствд зöбдж орулснъ зуг 60 центнер.

Колхоз болн совхоз болгънд гарч йовсн дугу-дундсиг уурулдж, öдр-сö уга государствд буудä зöбдж оруллгън—Сарпинск района болн МТС-и гардачнрин эркн төр. Буудä ток деер удан бääх зöв уга!

М. КАРПЕНКО.